

定郊陲斥[?]候絕突騎窺關邊城緩帶兵雄隴上守地平原姦穴屏
除塵清一道加授戶部尙書充河西節度心機與宮商遞運量達
共智水壺圓坐籌帷[?]幄之中決勝千里之外四方獷捍却通好而
求和八表來賓列階前而拜舞北方獫狁歛少駿之馱蹄南土蕃
渾獻崑崗之白璧九功惟叙梨人不失於寒耕七政調和秋收有
豐於歲稔加授兵部尙書恩被三朝官遷五級爰因蒐練之暇善
業遍修處處施功筆述難盡乃見宕泉北大像建立多年棟樑摧
毀若非大力所製諸下孰敢能爲退故朽之摧殘葺聆矚之新樣
於是籽匠治材而朴斲郢人興役以施功先豎四墻後隨締構曳
其枳櫨憑八股之輶轡上墜運泥幹雙輪於霞際舊閣乃重飛四
級靡稱金身新增而橫敞五層高低得所玉豪楊采與旭日而連
暉結脊雙鷄對危峯而爭聳更欲鐫龕一所躊躇瞻眺餘所竟無
唯此一岑嵯峨可劈匪限耗廣務取工成情專穿石之殷志切移